

Тракторной паркез дыраз тупат'яса быдэстоно

Пудемской машино-тракторной станция 1941 арэз пумигаз трактор'эсты тупат'ян'я бадзым задолжонностьёсын. Ортчем арын 4-тй кварталлэн планэз туж ичиль гинэ быдэстэмын вал. Соин ик трактор'эсты тупат'яса быдэстытэк кельтэм уж но туэ арын 3 толзёёслы план МТС-лэн кивалт'ясызлысь кужмо ужамзэс кулэ каре вал. Нош та кужмо ужан уг шодыськы на али но. МТС-ын выль производительность понна нюр'яськон азыло сямен ик өвёл, социалистической соревнование вёлмытымтэ, трактор'эсты тупат'ян бордын ужасёслэн творческой инициативазы уг шодскы, труд организовать карымтэ.

МТС-лэн кивалт'ясызлысь трактор'эсты тупат'янэн тырмыт кивалтымтэнызы гинэ трактор'эсты но прицепной машинаосты тупат'ян план кушкатэмын. 11 мартлы 58 трактор'эс пöлысь копак 18 гинэ вуттэмын ни, но соос одйгез но обкатать карымтэ, на эшшо. 78 тракторной плуг'эс пöлысь тупат'ямын витьтон куатез но, соослэн зечлыкеннызы МТС-лэн кивалт'ясызлысь нокизы но уш'яськыны уг быгато, яке соос марке со гинэ тупат'ямын.

МТС-ын вань замечательной адымиос, куд'ёсыз нуналмысь ужан нормазэс мултэсэн быдэ'яло, ужын возьматэ социалистической ужалэс образц'ёссы. Тани Созонтов эш токар' аслэсьтыз ужан нормазэ ну-

наллы быдэ 125-135 процентлы быдэ'я. Плюсин слесар нормазэ 140 процентозь тырмыт'я, но та стахановец'ёслэн ужан амалзы кылем'ёсыз ужасёс пöлын вёлмытымтэ. Озы бере, вань ужасёсты лыдэ басьтоно ке, МТС трактор'эсты тупат'ян графиксэ одйг нунал но өз тырмытылы на.

Ме'чак син азе пуксе тракторист'эс лöлын трудэз организовать карыны быгатымтэ. Машинаосты тупат'яны лыктэм 60 мурт котыр ужасёс пöлысь тырмыт нагрукан 10-15 мурт сяна уг ужало, кылемез ужасёс тамак кысыса, пукыса но МТС-лэн участокусьтыз лымы сузьяса дырзэс быдто. Тани одйг номеро ремонтной бригадысь ужасёс кык нунал чоже чик ужатэк улйзы, нош таослы уг сётон сырысь МТС-лэн старшой механикез Скоробогатов эш өз ик сюлмаськы.

Ляб мынэ культурно-массовой уж но. Тракторист'эс уг басьто нокиче газет но, да же уг адзыло соос районной газетэз но. Озы бере машинаосты тупат'янын ужасёс пöртэмесь выль ивор'эсты тодытэк кылё.

Вань та тырмытэослы пумпаныны понна МТС-лэн кивалт'ясызлысь ужен мылыськыдысь кивалтыны кутсконо. Ремонтной ужасёс пöлын уез кулэз'я рад'яса, трактор'эсты, вань прицепной машинаосты тупат'янэз по-большевистски йылпум'яно.

Стахановкаос премия басьтйзы

„Металлург“ аргельын ужасёс Демина Анна, Семёнова Мария, Блинова Ирина но мукет'ёсыз стахановской амалэн ужаса нормазэс нуналлы быдэ 130-141 процентлы быдэ'яло.

8 мартэ—нылкышноослэн праздниксы нуналэ-таос вань-

зы премировать каремын. Демина 120 манет, Блинова 75 манет, но Семакина 70 манет коньдон премия басьтйзы. Та нуналэ „Металлург“ артельлэн культполитсоветэз 12 нылкышноосты - стахановкаосты 1000 манет коньдонэн премировать кариз. Веселков.

Слобода гуртын (Столбиовской район, Барановичской область, БССР) организовать каремын выль колхоз „Перемога“. Инвентар'эсты, вал'эсты, пудо сюдэнэз но кидысэз обществить карыны кутсыса, колхозник'эс т у л ы с кизёнэ дасясько.



Колхозлэн правлениеныз обществленной инвентар'эсты но вал'эсты принять карон.

КОНЬДОН ЛЮКАНЭЗ ДЫРАЗ БЫДЭСТОНО

Районысьтымы азымынсь колхоз'эс но сельисполком'эс 1941 арлэн нырысетй кварталэз коньдон люкан планзэс дырызлэсь азыло мултэсэн быдэстйзы. 10-тй мартлы Пудемской сельсовет 150,8 процентлы, Еловской—107,1 процентлы, Чабыровской—103,2 процентлы планзэсь тырмытйзы. Та сельсоветын ужасёс налоговой агент'эс, сельисполком'эслэн председател'ёссы но вань финансовой актив асысьлэсь ужзэс синмаськымон быдэ'яло. Соос асысьлэн быдэ'яно ужазы бадзым ответственность шодыса ужало. Пудемской сельсоветлэн налоговой агентэз, кылсырысь, К. Г. Лыскова аслэсьтыз ужзэ кулэз'я рад'яны быгатйз. Сое котыку но трудящейёс пöлысь адзыны луэ. Со трос беседаос ортыч'я, должник'ёслэн квартирасазы мыныса валэктон уж нуэ. Тазысь ужамлэн синмаськымонэсь бервыл'ёсыз но. Аслэсьтыз ужзэ образцово пуктыны быгатйз райсоветлэн депутатэз Чабыровской сельисполкомлэн налоговой агентэз В. Семакина эш. Со, Лыскова эш музэн ик, трос валэктон уж нуыса выль показател'ёсты басьтыны быгатйз. Умой ужало Еловской но Костромской сельсовет'ёсысь налоговой агент'эс но. Таослэн ужазы бадзым юртэт сётон исполком'эслэн председател'ёсы.

Азымынсьёсын чош ик вань бере кылысь сельсовет'эс но. Тани Люмской сельсовет нырысетй кварталэ коньдон люкан планзэ копак 60,2 процентлы, Баяранской—64,8 процентлы гинэ быдэстйзы. Та сельисполком'ёлэсь председател'ёссыс чик беспокоить уг кары таче положение, соин ик уж интысьтыз уг вырзалскы.

Люмской сельсоветлэн берло сессияз финансовой планзэ быдэстон сырысь конкретной решение кутэмын вал, но та решениез уг вылын быдэстон понна сельисполкомлэн пред-

седателез но налоговой агент но уг нюр'ясько. Соос вань ужзэс сельсоветын пуконэн быдто, нош колхоз'ёсы потыса валэктон уж нуыны соослэн ужзы өвёл со. Коньдон люкан уез ас эрказ лэземэн сэрэн нырысетй кварталэ коньдон люкан план кушкатэмын. Нокизы но уш'яськыны уг быгато асысьлэн уженызы Лековаевской но Баяранской сельисполком'эслэн председател'ёссы Югов но Возмишев эш'ёс. Соослэн показател'ёсыя ме'чак вераны луэ, что та сельсовет'ёсын коньдон люкан ужын нокин уг ужа.

Куд-ог сельисполком'эслэн беспечной луэменызы, ужазы чик ответственность шодытэк ужаменызы, но ужан дырзэс сельсоветын пукыса коньдон возьмаменызы, районамы нырысетй кварталэ коньдон люкан'я план 84,8 процентлы сяна быдэстымтэ. Соин сэрэн сельской хозяйстволэсь специалист'ёссы, больницаын ужасёсты но дышетйсьёсты финансировать карон туж гызмыльтыса мынэ.

Коньдон люканын ляб ужало райфинотделэсь куд-ог ужасёс но. Стражинспекцийн ужасёс куйнэ кузя Люмской сельсоветын улйзы но, быдэс декада кустын 13 процентлы сяна коньдон люкан планзэ азыланьтыны өз быгатэ. Госинспектор Васильев эш аслаз инициативаеныз колхоз'ёсы потыса уез азинтыны кышка, лэся.

Нырысетй кварталын коньдон люкан планзэ чик жегатскытэк быдэстыны понна финансовой актив кужмо ужано луэ. Бере кылысь налоговой агент'эс, сельисполком'эслэн председател'ёссы но вань финансовой актив азымынсьёссы лэсь ужан амалзэс уже пыртыса, колхозник'эс, колхозницаос но вань трудящейёс пöлын массово-раз'яснительной уез паськыт вёлмытоно луэ.

Г. П. Демина,
Райфинотделлэн заведующоюз.

Умой ужало

Люмской неполной средней школаын ужасёс А. Т. Маркова, А. А. Павлова но А. Д. Сюткина эш'ёс мылысь-кыдысь быдэ'яло общественной уж'ёсты. Соослэн инициативазыя туэ арын 6 пол постанов-

ка, 2 пол хоровой но спортивной выступлениос ортытэмын ни. Озы ик соос сюлмысь ужало неграмотнойёсты но малограмотнойёсты дышетон ужын.

Бровцын.

СОРЕВНОВАНИОС ОРТЧИЗЫ

Осоваиахимлэн райсоветэз 9 мартэ военизированной лыжной соревнованиос ортычйз. Соревнованиын ваньмыз 74 мурт участвовать каризы.

10 километр расстояние мынон'я умоесь показател'ёссы возьматйзы Лубнин („Металлург“) Максимов Владимир (Средняя школа) но Орлов („Металлург“). Соослэн ортчем дырзы 49-52 минут но 29 секунд.

Вераны кулэ соревнование ортычыны чик дасяськон

уж нуымтэез. Судейской коллегийн трос сураськон'эс луылйзы. Дырез отмечать карыны пунктэм И. М. Ушаков, соревнованиын участвовать карисьёслэсь дырзэс туж сураца пусйылз. Лубнинлы, кылсырысь, 54 минут гожтэм вал, хотя со 49 минутскын ке но 10 километрез ортычйз.

Азыланьын таче тырмытэосты лэзентэм понна котыкыче соревнованиосы тырмыт дасяськон уж нуылоно.

Корепанов.

СССР-лэн ВЕРХОВНОЙ СОВЕТЭНЫЗ ПРИНЯТЬ КАРЕМ ЗАКОН ЁС

Колхоз'ёслэсь подоходной налог сярись закон

1 глава

Ог'я положениос

1 статья. Колхоз'ёслы тупатэм подоходной налогез тыро:

а) сельскохозяйственной артельёс, рыболовецкой артельёс но муз'емез огазын ужан'я товариществоос;

б) смешанной промысловосельскохозяйственной артельёс (промколхоз'ёс) но инвалид'ёслэн кооперацизылэн артельёсыз, куд'ёсызлэн сельскохозяйственной доход'ёсы вань.

Чорыганлэсь доход'ёс, куд'ёсыз басьтэмын государственной заготовительёслы но кооперациослы продукция сётэмлэсь, промысловой кооперациослэн союязы пырись артельёслэн предприятиосылэн доход'ёсы колхоз'ёслэсь басьтоно подоходной налог улэ уг пыро, а соответствующой закон'ёслэн основанызья налог'ёсын облагаться каро.

2 статья. Налог ляд'яське ортчем ар'ёслэн доход'ёсыя, куд'ёсыз определяться карисько колхоз'ёслэн годовой отчет'ёсыя финансовой орган'ёсын отчет'ёсты документально эскерем бере.

Колхозлэн правлениез арлы быдэ, 1 мартлэсь бере кылытэк, ортчем ар понна арлы тупатэм отчетэз колхозлэн член'ёсызлэн ог'я собранияз юнматыса, одно ик колхозлэн ревизионной комиссиезлэн заключениез'я соответствующой финансовой отдел'ёсы сётоно луэ.

II глава

Облагать кароно доходлы определен ие

3 статья. Колхозлэн облагать кароно доходэзлэн состав коньдон'ёсын но натуральной доход'ёс пыро (та законлэн 4 статьяз верам'ёсыз сяна):

а) растениеводстволэсь, пудо вордонлэсь, муш утёилэсь но шелководстволэсь;

б) колхоз'ёслэн подсобной предприятиосылэсь изделиоссэс вузамлэсь;

в) мукет пёртэм доходной поступлениос.

4. статья. Колхозлэсь облагать кароно доходлэн состав уг пыро:

а) обязательной поставкаос'я государственной продук'ёс сётыса басьтэм коньдон'ёс;

б) колхозной фермаосын пудоосты сюдыны кутэм фураж, со пёлын ик неприкосновенной страховой фуражной фонд;

в) МТС-лэн ужомез понна дун тырыны кутэм продукция, но озы ик быдэстэм уж понна МТС-лы тырем коньдон'ёс;

г) ужась но продуктивной пудоез (улэп весэн но вандыса сйльын) вузамлэсь басьтэм коньдон'ёс но капиталовложениослэн счетазы умйвыжы но племенной пудо

басьтон понна яке пудолэсь лыдэз восстановить карон но паськытатон понна вис'ям сумма, озы ик Красной Армии вал'ёсты сётэм понна басьтэм коньдон'ёс;

д) колхозлэн подсобной предприятиосаз коньдон'ёсын но натураен производственной затратаос;

е) бырыны шедем ваньбур но кизем ю-няньёс понна государственной страхованилэн орган'ёсызлэсь басьтэм страховой возмещенилэн дун'ёсыз.

5 статья. Колхозлэн натуральной доход'ёсызлэсь сылон дунэз определить карон дыр'я хозяйство пушкысь куляськон'ёслы уже кутыськысь продукцилы (кидыс'ёс, кидыс ссудаосты берыктэм, неприкосновенной страховой кидыс фондэ, продовольственной страховой фондэ, инвалид'ёслы юрттон фондэ, детской яслиосты но анайтэм, атайтэм кылем'ёсты утылтыны но мукет натуральной фонд'ёсты вис'ям'ёс) государственной заготовительной дун'ёс'я дун тупатыське, нош колхозник'ёс пёлын люкылёськысь продукция, — государственной закупочной дун'ёс'я.

III глава

Налоглы ставкаос но тырон дыр'ёс

6 статья. Налог ляд'яське таёе ставкаос'я:

а) контрактацилэн но госзакупкаослэн порядоксыя продукт'ёсты вузамлэн доход'ёсысьтызы, озы ик продукцилэн доход'ёсысьтызы, куд'ёсыз колхоз'ёслэн хозяйство пушкысь куляськон'ёссылы кутысько, — обложение улэ пырись доходлэн 4 процентэз;

б) колхозлэн мукет доход'ёсыз пёлысь — обложение улэ пырись доходлэн 8 процентэз.

7 статья. Муз'емез огинын ужан'я товариществоос понна налог тыронлэн лыдыз 25 процентлы будэ.

Муз'емез огинын ужан'я товариществоос понна, куд'ёсыз налог тыронлэн нырысь срокез дырозь сельскохозяйственной артельлэн уставез'я ужанэ потызы, налог тырон уг буды.

8 статья. Колхоз'ёс таёе срок'ёсы налог тыро: 25 мартозь — 20 процентэз; 1 июнэзь — 10 процентэз; 1 октябрэзь — 30 процентэз но декабрэзь — 40 процентэз.

IV глава

Налог'я льготаос

9. статья. Колхоз'ёслэн, куд'ёсыз переселенец'ёслэн хозяйствосылэсь организовать каремын, озы ик колхоз'ёслы, куд'ёсыз асысь составы переселенец'ёсты пыртызы, СССР-лэн Народной Комиссар'ёсызлэн Советсылэн постановлениосыз'я, подоходной налог'я льготаос сётысько.

10 статья. Колхоз'ёслы, куд'ёсыз стихийной бедствиос улэ шедемын, трудящей'ёслэн депутат'ёссылэн районной но горэздкой Совет'ёссылэн исполнительной комитет'ёссылэн решениоссыя ортчись ар чоже налог тыронын отсрочкаос сётыны быгато.

Союзной республикаосысь Народной Комиссар'ёслэн Совет'ёссы, (куд'ёсыз область'ёслы люкылэмын ёв'ёл), автономной республикаосысь Народной Комиссар'ёслэн Советсы трудящей'ёслэн депутат'ёссылэн краевой но областной Совет'ёссылэн исполнительной комитет'ёссы куд-ог колхоз'ёслы, стихийной бедствиос улэ шедем'ёсызлы, налог тыронын, тырон дырлэн берло срокез дырысен, одйг ар срокэз отсрочкаос сётыны быгато.

11 статья. Союзной республикаосысь Народной Комиссар'ёслэн Советсы, автономной республикаослэн Народной Комиссар'ёслэн Советсылэн но трудящей'ёслэн депутат'ёссылэн краевой, областной, городской но районной Совет'ёссылэн исполнительной комитет'ёссылэн куремзы'я стихийной бедствиос улэ шедем колхоз'ёсты, из'яне усемзылэсь размер'ёссэ лыдэ басьтыса, налог тыронлэсь быдэсак но ог кёнялы ке мозмытыны быгато.

12 статья. СССР-лэн Народной Комиссар'ёсызлэн Советсылы право сётыське народной хозяйстволэсь нимаз-нимаз отраслэссэ азинтонлы юртгон понна подоходной налог тыронлэсь колхоз'ёсты мозмытыны, озы ик кулэ луон дыр'я колхоз'ёслы налог'я льготаос тупатыны.

V глава

Налог тырмымтэ понна ответственность

13 статья. Финансовой орган'ёслы арлы тупатэм отчетэз дыраз сётымтэ понна колхоз правленилэн председателэз но колхозлэн счетоводэз (бухгалтерез) трудящей'ёслэн депутат'ёссылэн районной но городской Совет'ёссылэн исполнительной комитет'ёссылэн решенизы'я быдэн 50 манетозь штраф тыроно луо.

14 статья. Арлы тупатэм отчетын счетоводстволэн документ'ёсызлы но книжной записьёсызлы тупасьтэм мыдлань даннойёсты тодыса выльысь сётэм понна, колхозлэн правлениезлэн председателэз но колхозлэн счетоводэз (бухгалтерез) уголовной ответственносте кыстысько.

15 статья. Подоходной налогез колхоз'ёс нырысь черодо порядок'я тыро но налогез тупатэм дыр'ёсы тырымтэ учыр'ёсы налоглэн тырымтэ суммаосыз народной судлэн решениосыз'я списываться карисько колхоз'ёслэн текущей счет'ёсысьтызы.

Тыронэз дырыз дыр'я тырымтэ понна котькуд просрочить карем нунал панна 0,05 процент пеня басьтыське.

16 статья. Заявлениос но чагиськон'ёс сётон налог басьтонэз уг дугдыты.

Сыёе учыр'ёсы, ку решение поттэмын колхозлы пайда карыса, мыдлань басьтэм суммаос колхозлы берыктысько 10 нунал'ем срок кустын.

17 статья. Та законэз пыртэмен валче нужымзэс быдтэмен ляд'яно:

а) „Колхоз'ёслэсь сельскохозяйственной денежной налогэс подоходной денежной

налоген воштон сярись“ СССР-лэн ЦИК-езлэсь но СНК-езлэсь 20 июле 1936 арын пунктэмзэ (Собр. зак. СССР 1936 ар, № 40, ст. 339);

б) „Колхоз'ёсты подоходной денежной налоген обложить карон порядок сярись Наркомфинлэсь инструкцизэ юнматон сярись“ СССР-лэн СНК-езлэсь 1 февралэ 1938 арын 102 номеро пунктэмзэ. (Собр. пост. СССР 1938 ар, № 8, ст. 48).

СССР-лэн Верховной Советэзлэн Президиумезлэн Председателэз М. КАЛИНИН. СССР-лэн Верховной Советэзлэн Президиумезлэн Секретарез А. ГОРКИН. Москва, Кремль, 1 мартэ 1941 арын.

Совещание

ортчытэмын

ВКП(б)-лэн ЦК-езлэн „Интысь партийной организациослэн ВКП(б) членэ кутон ужын кивалтонсытызы тырмымтэосты палэнтон сярись“ решениезлэн основанииз'я ВКП(б)-лэн Пудемской райкомез нимысьтыз решение кутыз. Та решения партиэ кутэм член'ёс но кандидат'ёс пёлын „Коммунистической воспитание сярись“, „ВКП(б)—выль типю партия“, „Мар куре партия коммунист'ёслэсь“ но мукет темаосын лекциос ортчытэмын луоз.

План'я нырысетй лекция „Мар куре партия коммунист'ёслэсь“ темаен ортчытэмын ни. Татын присутствовать каризы партиэ кутэм выль член'ёс, кандидат'ёс но одиночкаос.

Лекция ортчем бере саосын партилэсь историзэ самостоятельно изучать каром но ВКП(б)-лэн 18 Всесоюзной конференциезлэсь материал'ёссэ изучать карон сярись вэпрос'ёсын беседа ортчытэмын. Беседаысь участник'ёс А. В. Потехин, В. Поздеев но мукет'ёсыз туж лек критиковать каризы ВКП(б) райкомлэсь пропаганда но агитация отделэз, кудыз чидантэм ляд юрттэ партилэсь историзэ самостоятельно изучать карисьёслы. Но кыёе юрттэт но уг сёты сыёе коммунист'ёслы, куд'ёсыз ас понназы партилэсь историзэ изучать карыны уг быгато.

Совещанилэн участник'ёсыз мылкыд каризы таёе совещаниосты ёмгес ортчыт'яны и дугдылытэк юрттыны партилэсь историзэ самостоятельно изучать карисьёслы.

МАКСИМОВ, ВКП(б) райкомлэн кадр'ёс'я инструкторез.

Отв. редактор П. МАЛЫХ.

Поттись Райсоветлэн Исполкомез.

Я Л О Н

Удмуртской АССР-лэн Совнаркомезлэн 1941 арын 6 мартэ решениез'я 20 мартысен 10 апрелэз Глазовысь чугуун сюрес вылын ужан'я ФЗО школае дышеткисьёсты кутон ялыське. Дышеткисьёсты кутысько 16—17 ар'ёс тырмем мурт'ёс. Дышеткисьёсты мыныны мылкыд карисьёс райсоветлэн Пудемской исполкомаз куриськон сётоно луо. Дышеткисьёсты условно сярись но татысь ик юалляськоно. Райсоветлэн исполкомез.